

Središnje izborno povjerenstvo BiH o obavezi prikupljanja potpisa potpore definiranu Izbornim zakonom BiH, zauzela je slijedeći stav, u zavisnosti od karakterističnih situacija ili do sada postavljenih pitanja:

- Politička stranka i neovisni kandidat, **oslobođeni su obaveze prikupljanja potpisa potpore** ukoliko imaju nosioca mandata u istom organu za koji se podnosi prijava (čl. 4.5 stavak (1) Izbornog zakona BiH).

Odredba članka 4.5 stavak (2) Izbornog zakona BiH ne odnosi se na lokalne izbore. Niži nivo organa u kojem član političke partije ima mandat, u smislu ove odredbe ne postoji na lokalnom nivou, i politička stranka **ima obavezu prikupljanja potpisa potpore**.

- Politička stranka i neovisni kandidat **nisu obavezni podnositi izjavu nosioca mandata** za oslobađanje od obaveze prikupljanja potpisa potpore. Zakonom o izmjenama i dopunama Izbornog zakona BiH („Službeni glasnik BiH“, br. 31/16) brisan je članak 4.5 stavak (3) Izbornog zakona BiH. Centralna izborna komisija BiH će na bazi službenih evidencija vršiti provjere, i utvrđivati faktičko stanje u skladu sa Zakonom.
- Politička stranka ili neovisni kandidat koji su, na Lokalnim izborima 2012. godine, osvojili mandat kao član koalicije, odnosno liste neovisnih kandidata, da bi bili ovjereni za sudjelovanje na Lokalnim izborima 2016.godine, **imaju obavezu prikupljanja potpisa potpore**. Ovo s toga što je člankom 4.13 Izbornog zakona BiH definiran status koalicije, kao političke stranke u izbornom procesu, od dana ovjere za sudjelovanje na izborima, do dana ovjere izbornih rezultata.